



# **Academia Peccatorvm. Seu Conciones De Tota Parabola Prodigi Euangelici**

Qvae Poenitentia Peccatorvm Sev Conciones De Prodigi Evangelici Reditv  
Ad Patrem

**Bosquier, Philippe**

**Moguntiae ; Coloniae, 1615**

1. Vnde videatur auricularis confeßio non esse iuris diuini.

---

---

**Nutzungsbedingungen**

[urn:nbn:de:hbz:466:1-55940](https://nbn-resolving.org/urn:nbn:de:hbz:466:1-55940)

CONCIO XXIII.

8. Καὶ ἐρῶ αὐτῷ, πᾶτερ, ἤμαρτον εἰς τὸν οὐρανόν, ἢ ἐνώπιόν σου? 9. Καὶ οὐκέτι εἰμι ἅγιος κληθῆναι υἱός σου. ποιήσον με ὡς ἓνα τῶν μισθίων σου. *Græca.*
8. *Et dicam ei. Pater peccavi in cœlum, & coram te. 9. Vulgata.* Iam non sum dignus vocari filius tuus; fac me sicut unum de mercenariis tuis.
8. *Et dicam ei. Pater mi, peccavi in cœlum, & coram te: 9. Syriaca.* neque amplius sum dignus qui vocer filius tuus: fac me ut unum ex mercenariis tuis.

ARGUMENTVM.

- Dicemus hodie {
1. Vnde videatur auricularis confessio non esse iuris Diuini.
  2. Quod certe iuris Diuini sit, ad salutem necessaria; iugum suaue per 8. vel 9. rationes.
  3. Cur Laici vnus alteri confiteri non possit, speciatim foeminis: & quid respondendum ad obiectiones contra confessionem auricularem.

AVE MARIA,

I,

Vnde videatur auricularis confessio non esse iuris Diuini.



VERA dilectissimi, inter omnia legis gratiæ sacramēta, prima facie nulum videtur confessione durius: & quamuis concedendū videatur Christi mandata grauiā non esse, iugum suaue, onus leue; confessionis tamen mandatum & onus impositum, adeo clarè, adeo plene

*Math. IX.*

nè hominibus confitendi, nonnullis nec suaue videtur, nec facile: quamuis negari non possit, mirabilia animæ commoda hinc deriuari. Et videte cur Diabolus post Baptismum nihil confessione peius oderit: sicut in religiosis locis, nihil peius locis caputularibus: quia se. confessio soluit, destruit laqueos, gripphos, stragemata ipsius mille, quæ quotidie intendit, prædamque ipsi extorquet, in ipsius manibus alioquin mansuram. Sic & Christiani quidam baptizati rudiores, qui nihil gustant salutarium, nihil vident spirituale, non magis quam noctuæ media luce, & plerique hæretici, maxime moderni, nimium amantes libertatis sum moperere de ea tanquam iugo prope importabili conquerantur, & posteriores hi radicitus & funditus optarent eueriam. Ergone ita necessarium est, inquirunt, cōfiteri hominibus? Dei hoc mandatum est, Papæ, an Ecclesiæ: non satis Deo confiteri; videtur ita docere Regius Propheta: *Dixi, confitebor aduersum me iniustitiam meam Domino, & tu remisisti impietatem peccati mei. Confitebor Domino. Domino, inquit, non homini, non conferuo, & nihilominus adiicit, cum tantum Deo confiteri proposuisset, & tu remisisti, &c.* Et qui sunt illi qui diuinam inuadunt auctoritatem? hoc Dei proprium est. *Quis est hic qui etiam peccata dimittit.* Antalcidas Lacedæmonius, interrogatus à quodam Sacerdote de peccatis, quorum se sentiebat reum: Respondit (vt refert Plutarchus) Diis peccatum suum esse notū, nihil opus vt id aliis manifestaret. Et dein si mortales mortalibus confiteri debeant; cur non satis si laici laicis confiteantur, iuxta illud Sancti Iacobi: *Confitemini alterutrum peccata vestra.* Cur sic omnia aperiamus Sacerdotibus, nos eadem via nihil intelligamus ex ipsis? Cur non formiæ fœminis, dicent mulierculæ amantes præferentiæ? cur viri ita extollantur? Deus me examinet, peccata mea Deus inuestiget, ille me vt Adamum interroget, *Adam ubi es?* ille me vt Euam, quæ maritum deceperat increpet: *quare hoc fecisti?* vt Cainum post fratris parricidium,

*Psal. 50.*

*Genes. 3.*

*Genes. 4.*

*ubi*

ubi est Abel frater tuus? quid fecisti? patior ut Deus me interroget, sed ab homine quis hoc ferat? maxime cum Deus læsus sit, & offensus; ille instituat quaestio- nem, illi agnoscamus culpam. Et cum ipse debeat peccata, illi soli confiteamur ad obtinendam veniam. *Ego sum ipse qui deleo iniquitates tuas: ecce agnus Dei, ecce qui tollit peccata mundi.* *Isaia 43.*

Cum ipse medicus sit, ipsi ostendamus plagas; non Sacerdoti, non alicui Gualtero, aut Tibaldo, qui nec Theoriam, nec praxim habet medicinæ animarū. Si nemo tenetur corporis ostendere vitia, cur grauioribus animæ deformitates ac turpitudines enarrabimus? Si autem nihil nisi peccatorum pœnitentiā taxanda est, nemo hoc ipso peccatore facit melius, qui nouit quanta voluptate deliquerit. Videntur insuper maxi- mi Ecclesiæ Doctores mutuas confessiones admitte- re. S. Ambrosius Episcopus tam seuerus alioquin di- sciplina Ecclesiasticæ exactor, dicit de S. Petro.

D. Ambros. lib. 10. in cap. Luc. 22. ] *Inuenio quod fleue- rit, non inuenio quod dixerit, lacrymas eius lego, satisfac- tionem eius non lego.*

Ibidem. ] *Lauat lacryma delictum, quod voce pudor est confiteri.*

S. Iohan. Chrysostr. nihil dicit minus: si delere vis peccata, inquit, confitere: si pudeat ea aperire homi- ni, confitere ea quotidie in corde: non dico ut ea ape- rias homini qui tibi postea exprobrat, confitere Deo, qui ea purget. Confitere in tribunali tuo, ut cōscien- tia tua quotidie malum suum agnoscat.

Item, Non est necessarium coram testibus confi- teri, examen hoc testes non requirit, sufficit ut Deus te videat & audiat.

Item, & sunt citationes Caluini, non te prouoco ad hominem ut ipsi aperias peccata, conscientiam tuam Deo explica, vulnera tua medico exhibe, illum ut sanet ora; ille est qui nihil improperat & benignis- sime infirmos curat.

S. Laurent. Presb. Nouar. scriptor perantiquus, ut aie-

*Idem ser. de pœn. & conf.*

*Idem hom. 5. de incom- preh. Dei nat. contra Anomeos.*

*Prostat is  
Auctor a-  
pud Mich.  
Vasco sanã  
via ad D.  
Iacobũ sub  
Fotis inter-  
figno Pari-  
sis 1522.  
mense De-  
cemb.*

vt aiebat tit. libri homil. de pœnit. ] *Ex illa die illaq; ho-  
ra, qua egressus es de lauacro, ipse tibi es fons iugis, & diu-  
turna remissio. Non opus habes Doctore, non dextra Sa-  
cerdotis.*

Idem paulo post. ] *Et quia non peteras manẽs in mem-  
bris, corporisq; compage, liber existere à peccato: immuniq;  
esse à nexa, post Baptisma remedium tuum in te ipso sta-  
tuit, remissionem in arbitrio tuo posuit, vt non quæras sa-  
cerdotem cum necessitas flagitauerit.*

Idem paulo post. ] *Noli tu iam quærere neque Iohan-  
nem, neq; Iordanem, ipse tibi esto Baptista. Pollutus est: post  
lauacrũ, vitata sunt viscera tua. Contaminataq; anima  
tua tingueret in aqua pœnitentia, abluete abundantia la-  
chrymarum, exuberet fons compunctionis in extis tuis.  
Exudent aqua viua in fibris tuis. Para te venienti Domi-  
no, & ipse te baptizabit in Spiritu sancto & igni, habens  
ventilabrũ in manu sua, quod est inspectio, vel ponderatio  
pœnitudinis ac peccati. Ipse perpedit in te vt: rumq; pondus,  
ipse inspicit in te molem, & molem. Vnam pœnitentia &  
vnam pestilentia.*

Habemus denique exemplum Prædigi, Publicano-  
rum, qui non confessi sunt Apostolis, sed solum Deo, ipsi  
Christo. De ipso enim quilibet eorum dicit, *Surgam  
& ibo ad patrem, & dicam ei, pater peccaui.* Heliotropius  
sequitur solem, illi se aperit, non lunæ: conchæ se ad  
rorem aperiunt, non ad æstum. Cur igitur homo ho-  
mini se aperiet, & nec patri, nec amico, nec noto, nec  
eiusdem indolis &c. Hæc obiiciuntur. Audite modo,  
vt illos silentio audiuius, cum patientia responsio-  
nem.

I I.

*Quod certe iuris Diuini sit, ad salutem necessaria,  
& iugum suaue per 8. aut 9.  
rationes.*

**P**Rincipio igitur dico: Indispensabile esse Dei præ-  
ceptum proprio cõfiteri sacerdoti, quo ipse etiam  
Papa tenetur. Et hoc indirecte datum est post resur-  
rectio-